

## Muotinas ronkas

Tuos ronkelēs mažas ē minkštas –  
Žaid so žaislelēs ē vītorelēs,  
Jem pieštoka ē raša raidelēs,  
Ē pieš vēsuokiausēs gielelēs.

Tuos ronkas baltas ē švelnēs –  
Daug raša ē skaita, sem muokslus vēsus,  
Apkabēn švelnē drauga brongiausi,  
Katrou pamēlst ont vēsaduos.

Tuos ronkas jau soauga –  
Dērb darbus vēsuokius  
Nu rīta ligi vakara – be pabonguos,  
Mīlou ē gluosta vakū galvelēs,  
Vuo naktim soupou luovelēs.

Tuos ronkas ēšlīd vākus i gīvenēma kieli –  
Palaimēn ē laimēs linkie,  
Kad vakū kelelē nebūto akmenoutē,  
Anus tor vēsumet sava šērdie.

Tuos ronkas soroka, sosena,  
Gīslas ēšvaguojē vagas.  
Sogroba, sodžiūva, nosēlpa  
Ē sostira ont vēsaduos...